

Октябрьт күч-көлснә белгүд

Октябрьск сән өдрт нерәддж авсн социалистическ даалгъврмудан цагаснь өмн күцәсн промышленн предприятиясин тонь улм-улмар өсәд йовна.

Сахалина шахтермүд тўлә гаргългъан сар болгън икдүләд, зурагъасн давулдж 158 минъгън тонн нўүрс газр дорас өбдән гаргъдж өгв.

11 сара нўүрс гаргъх зурагъан цагаснь урд Печорск нўүрснә бассейнә 2-ч болн Приморск нўүрснә бассейнә Артемовск №7—7—БИС шахтс күцәцхәв. Советин йосн тогтад 40 джил болсн өбнд нерәддж авсн социалистическ даалгъврмудан гурв лакдж хәләдж күүндәд, цагинь ахрдүлад, тоогъинь өбдлүлсн бийснь Приморск шахтермүд, гурвлагъинь авсн болзгасн өмн күцәв. Сүүлин авсн даалгъвр—сән өдр күртл зурагъасн үлү 40 эшелон нўүрс өгх гиснь, зөвәр икәр давулдж күцәгдв.

10 сара зурагъан цагаснь 10 хонг өмн Амурск экономическ района „Дальвостокуголь“ комбинатин шахтермүд күцәв.

Атасуйск төмрин рудник шин тосхгдджах Карагандинск металлургическ заводин теткльгънә шишлнь көрнъ болдж, нег джил хооран тўрүн тонн руда өглә. Одгә цагт эн рудникин күдлмшчнр металлургмудт сутк болгънд хойр минъгън тоннас үлү руда йовулна. Октябрин өбнд нерәдсн социалистическ дөрлдәнә йовудт

рудникин коллектив 50 эшелон руда зурагъасн давулдж гаргъдж авб.

Диилвртә кевәр Октябрьск сән өдрт нерәдгдсн социалистическ дөрлдәнд Белорусск төмр хаалгъин локомотивн бригадс йовцхана. Поездмүдин 80 процентнь күнд ачлгътагъар йовулгдсн учрар, суткдан 11—12 паровозмуд сулдана. Күнд ачлгъта поездмүд олар йовулдг болснь, Белорусск паровозникүдт 16 сай тонн ачлгъ зурагъасн давулдж зөбхднь дөнъ болв.

Болзгаснь хойр сар өмн Амур голин кермчнр навигационн зурагъан күцәсн деерән, 452 минъгън тонн нўүрс, тосхлтин материал, буудә, машид болн онъгданчн ачлгъ үлү зөбцхәв. Ачлгъ зөблгънә үннь зурагъасн 8 процент кимдрв.

„Заря социализма“ гидг Һертә льнокомбинатин коллектив (Ярославск область) даругъас болх ик сән өдрт „Российская Федерация“ гидг, алдршсн өбнд нерәдсн скатертъ белдв. Терүг кеерүлсн эрәднь Октябрьск революцин йовдлмуд, советск йосн токтснас нааран күч-көлсчнрин бәрсн диилвр, советск олт келн-әмтнә төвкнүн, дән-даджг угагъар бәәхин төлә зүткджәх тоотинь үзүлджәнә. Скатертин тал дунднь—РСФСР-н государственн герб бәәнә.